



## Nytt frå *Leve heile livet* i Vestland

Juni 2020: I dette brevet får kommunane i Vestland nyttig informasjon om *Leve heile livet*-arbeidet frå Fylkesmannen i Vestland, KS og USHT.

### Korleis skal vi saman planlegge for framtida?

**Vi inviterer til fagdagar om aldersvenleg samfunnsplanlegging for kommunane i Vestland.**

Tema for fagdagane blir korleis ein kan oppnå aldersvenleg samfunnsplanlegging og samarbeid på tvers. Samlingane blir på Nordfjordeid (15. september), Sogndal (16. september), Bergen (29. september) og Stord (30. september). I tilfelle nye korona-utfordringar, vert fagdagane gjennomførte som webinar. Meir informasjon kjem.

Følg med på [Leve heile livet på nettsida til Fylkesmannen i Vestland](#), og [abonner gjerne på nyhende!](#)

### KS med handbok og nye verktøy

**KS er svært engasjert i *Leve heile livet*-arbeidet, og deltek både regionalt og nasjonalt.**

Det vert no utvikla verktøy for kommunane, mellom anna ei handbok som vi håpar skal vere til god hjelp for kommunane. Etter planen skal handboka vere klar før sommaren. Til hausten kjem det fleire verktøy. KS sitt nettverk for aldersvennlege lokalsamfunn hadde i vinter ei samling i Oslo med 130 deltakarar frå heile landet. Det var innleiarar frå inn- og utland, gruppearbeid og stort engasjement.

[På nettsida til KS kan du lese meir og finne inspirerende filmar og artiklar.](#)

### Korleis få *Leve heile livet* inn i samfunnsplanlegginga?

**Reforma legg opp til at kommunane set *Leve heile livet* på dagsorden, analyserer eigne utfordringar og utformar løysingar i planverket.**

Vi er no inne i fase to i reforma, der det blir lagt opp til at kommunane vedtar politisk korleis løysingane i *Leve heile livet* kan utformast lokalt og innarbeidast i planverk. Viktige stikkord er folkehelsearbeid, aldersvenleg planlegging og ressursportal.no.

[Les meir hos Fylkesmannen i Vestland.](#)

### Kompetanse- og rekrutteringsplanlegging i kommunane

**Mange kommunar i Vestland rapporterer om store rekrutteringsutfordringar på helse- og omsorgsfeltet.**

Vi oppfordrar kommunane til å inkludere kompetanse- og rekrutteringsplanlegging som ein sentral del av samfunnsplanarbeidet.

[Les meir hos Fylkesmannen i Vestland.](#)

## USHT følgjer opp kommunane

**Det meste av aktivitetane til USHT Vestland er relevante i kommunane sitt arbeid med innsatsområda i *Leve heile livet*.**

Fysiske arrangement fram til sommaren er anten avlyst eller utsett. Der det er mogeleg, følgjer vi opp kommunane gjennom webinar og videomøte.

- **USHT Vestland (Sogn og Fjordane)**

Vi prioriterer aktivitet innan velferdsteknologi og forbetringsutdanning. Vi har også utarbeidd opplæringspakkar for personale i samband med koronasituasjonen og følgjer opp med webinar. Saman med KS køyrer vi eit webinar med etikk som tema, og skal følgje opp med tilbod om rettleiing til den enkelte kommune og opplæring av etikkrettleiarar.

[Meir informasjon finn du på heimesida til USHT Vestland \(Sogn og Fjordane\).](#)

- **USHT Vestland (Hordaland)**

Vi inviterer til tre [læringsnettverk om Leve hele livet - pasienttryggleik og kvalitetsforbetring](#) med oppstart i september 2020. I Bergen arbeider vi sentralt i eit koronateam, og har koordinert arbeid med [KS læring covid-19 og rutinar knytt til luftvegsklinikkane](#). Til hausten blir det arrangert fagdagar med følgjande tema: «Hvordan leve hele livet når demenssykdom rammer?», musikkbasert miljøbehandling og universell utforming. VIPS-kurs og TID-kurs blir arrangert for å utdanne lokale kursleiarar i personsentrert omsorg. ABC-seminar fortset til hausten.

[Sjå meir på heimesida til USHT Vestland \(Hordaland\).](#)

- **USHT Helse Fonna**

Vi startar opp med læringsnettverk i forbetringsarbeid for leiarar. Satsing på velferdsteknologi og etikk fortset. Det blir planlagt etikkrettleiarkurs hausten 2020 eller våren 2021. ABC-seminar startar opp igjen i haust. Læringsnettverk i underernæring og legemiddelsamstemming i bustader fortset og det blir arrangert fagdag i munnhelse i juni (webinar) og TID-kursrettleiarkurs hausten 2020.

[Les meir på heimesida til USHT Helse Fonna.](#)

## *Leve heile livet* som embetsprosjekt hos Fylkesmannen

**Prosjektet skal bidra til at kommunane møter endringane i befolkningsammansetninga på ein måte som gjer at vi kan leve gode liv så lenge som mogeleg.**

Prosjektet vil koordinere arbeidet regionalt, i tett samarbeid med eit regionalt støtteapparat, og spreie kunnskap, mobilisere og engasjere kommunane. Det vert tilbod om støtte og rådgjeving til utvikling, iverksetting og evaluering av lokalt planarbeid, og tilrettelegging av nettverk og møteplassar med kommunane, fylkeskommunen og spesialisthelsetenesta.

## Det regionale støtteapparatet for *Leve heile livet* og nyttige lenker

Det regionale støtteapparatet for *Leve heile livet* er Fylkesmannen, Kommunenes sentralforbund (KS) og Utviklingssenter for sjukeheimar og heimetenester (USHT). I tillegg har vi ei koordineringsgruppe der fylkeseldrerådet i Vestland, Senter for omsorgsforskning og Vestland fylkeskommune også er med.

- [Stortingsmelding 15 \(2017 – 2018\) Leve hele livet – En kvalitetsreform for eldre](#)
- [Ressursportal – for analyse og planlegging](#)
- [Helsedirektoratet si temaside om Leve hele livet](#)
- [Helsedirektoratet sin YouTube-kanal](#)
- [Kompetanseløft 2020 – Personell og kompetanse i kommunale helse- og omsorgstjenester. Utviklingstrekk og status 2018](#)
- [KS-verktøy strategisk kompetanseplanlegging](#)

## Kontaktinformasjon



Fylkesmannen i Vestland

Åse Vaag – [fmhoava@fylkesmannen.no](mailto:fmhoava@fylkesmannen.no)  
Anne Eli Wangen – [fmsfaew@fylkesmannen.no](mailto:fmsfaew@fylkesmannen.no)  
[Fylkesmannen i Vestland si heimeside](#)



Leni Klakegg - [Leni.klakegg@ks.no](mailto:Leni.klakegg@ks.no)  
[KS si heimeside](#)



Utviklingssenter for  
sykehjem og hjemmetjenester

USHT Vestland (Sogn og Fjordane)  
Marta Strandos – [marta.strandos@sunnfjord.kommune.no](mailto:marta.strandos@sunnfjord.kommune.no)  
[USHT Vestland \(Sogn og Fjordane\) si heimeside](#) og [Facebook-side](#)

USHT Vestland (Hordaland)  
Kari Sunnevaag [kari.sunnevag@bergen.kommune.no](mailto:kari.sunnevag@bergen.kommune.no)  
[USHT Vestland \(Hordaland\) si heimeside](#) og [Facebook-side](#)

USHT Helse Fonna  
Olaug Hindal [olaug.hindal@haugesund.kommune.no](mailto:olaug.hindal@haugesund.kommune.no)  
[USHT Helse Fonna si heimeside](#) og [Facebook-side](#)